

# साहित्य अकादेमिआ वेबलाइन थुनलाइ फारिनि आवथायाव गिबि खेब दुलाराय भारतनां बर' लिरगिरि जथुम खुंदों

ककाड़ार, 25 जुलाइ:  
साहित्य अकादेमिआ वेबलाइन  
थुनलाइ फारिनि आवथायाव  
गिबि खेब दुलाराय भारतनां बर'  
लिरगिरि जथुमखौं दिनै मेहेर  
गोनां हावाफारिनि गेजेरजों  
खुंनाय जायो। सानसेनि  
हावाफारिजों खुंनाय वे जथुमनि  
गिबि वेखेवजेन्नाय  
हावाफारियाव मुंदांखा बर'  
लिरगिरि साहित्य अकादेमि  
वान्था मोनगिरि प्रफेसार अनिल  
कुमार बर'आ गाहाय आलासि  
महरै बाहागो लानानै  
हावाफारिखौं वेखेवनानै होयो।  
वराय विबुंथि लाखियो साहित्य



अकादेमिनि हालामारि नेहाथारि  
देवेन्द्र कुमार देवेशआ आरो  
वेखेव विबुंथि लाखियो  
साहित्य अकादेमि लाइमोन  
वान्था मोनगिरि लोगोसे  
साहित्य अकादेमि बर' सुबुरनारि  
आफादनि सोद्रोमा जैलि  
बर'आ। हावाफारिखौं मासि

लानानै सामब्लायो साहित्य  
अकादेमि बर' सुबुरनारि  
आफादनि लिंथुमगिरि तरेन  
बर'आ। वेखेव हावाफारियाव  
पण्डिसेरिनि इरा वसुमतारि आरो  
साहित्य अकादेमि लाइमोन  
वान्था मोनगिरि शनितपुरनि  
(□ 5 बिलाइआव)

## साहित्य अकादेमिआ वेबलाइन थुनलाइ फारिनि आवथायाव गिबि खेब दुलाराय भारतनां बर' ...

गौतम दैमारि मोनहा खन्थाइ फरायथियो। सावायखुर वाउनाय हावाफारिखौं मावफुडो साहित्य  
अकादेमिनि लेडाइ सुजुगिरि क्षेत्रावासि नाइकआ। सेंथि जथुम सुंद' सल' फरायनाय आयदायाव  
गाव-गावनि सोरजि सुंद' सल' फोरखौं फरायथियो काविं आंलॉनि शिव प्रसाद खाख्लारो, वाक्सानि  
विनिता उजिर वसुमतारि आरो लखिमपुरनि लखिराम वसुमतारि मोनहा। हावाफारिखौं मासि लानानै  
सामब्लायो साहित्य अकादेमि वान्था मोनगिरि रितुराज वसुमतारिआ। नैथि जथुम सावरायथाय बर'  
थुनलाइनि दावगाफारि, वे हावाफारियाव बर' थुनलाइ जौगानायाव खन्थाइ आरो सुंद' सल' वेनि  
सायाव रेबविदां फरायथियो इ लाइसि महिलारोआ, बर' थुनलाइ जौगानायाव लाइसि आरो गदाव  
विलाइनि विहोमा आयदानि सायाव रेबविदां फरायथियो वेनुधर वसुमतारि आरो बर' थुनलाइ जौगानायाव  
सल' भाफोरनि विहोमा आयदानि सायाव रेबविदां फरायथिनायजों लोगोसे मासिगिरि चिवानखौं सामब्लायो  
साहित्य अकादेमि वान्था मोनगिरि प्रफेसार इन्दिरा बर'आ। थामाथि जथुम खन्थाइ फरायनाय, आयदा  
हानि मेथाइ, वे जथुमाव गवालपारनि विरखां दैमारि, गोदान दिल्लीनिफ्राय किरन बर', त्रिपुरानिफ्राय  
विरबाइ वसुमतारि, सोनाव बंगनिफ्राय नमिता ब्रह्म आरो धेमाजिनिफ्राय फिर'ज वसुमतारि मोनहा  
गाव-गावनि सोरजि खन्थाइखौं फरायथियो। वे जथुमखौं मासि लानानै सामब्लायो साहित्य अकादेमि  
वान्था मोनगिरि मुंदांखा खन्थाइगिरि अन्जु नार्जारीया। मख 'नो गोनादि, भारतनि दाव दाव जायगायाव  
थानाय बर' लिरगिरिफोरखौं गंसे जौसाइव लावोनानै साहित्य अकादेमिया खुंनाय वे दुलाराय भारतनां  
बर' लिरगिरि जथुमनि गेजेरजों गोजाम-गोदान लिरगिरिफोरखौं सरजावनाय आरो थुलुंगा होनायाव  
थारैनो जाफुंसारनो हागोन होन्नानै खुंफुं आफादआ मिर्जिथिनाय फोरमायदों। □